



Sarajevo, 16.06.2020. godine
MEDIJIMA

SAOPĆENJE ZA MEDIJE

Održan 4. sastanak Pododbora za poljoprivredu i ribarstvo

Četvrti sastanak Pododbora za poljoprivredu i ribarstvo između Evropske unije i Bosne i Hercegovine održan je danas putem video-konferencije. Sudionici sastanka su razmijenili informacije o stanju u poljoprivrednom sektoru i mjerama koje su poduzete kako bi se sanirale posljedice pandemije bolesti Covid-19. Članovi bh. delegacije su zahvalili Evropskoj komisiji na pomoći koja je pripremljena u sklopu paketa podrške Bosni i Hercegovini, a koja uključuje i podršku poljoprivredi.

Pozdravljen je pomak koji je Agencija za sigurnost hrane BiH, u saradnji sa nadležnim entitetskim ministarstvima poljoprivrede, postigla u oblasti izrade zakonodavnog okvira za zaštitu domaćih geografskih oznaka.

Članovi delegacije Evropske komisije su obaviješteni da je formirana radna grupa za izradu novog zakona o vinu BiH, a istaknuta je i potreba uspostave novog sistema za zaštitu geografskog porijekla vina.

Na sastanku se razgovaralo o realizaciji Strateškog plana za ruralni razvoj BiH 2018-2021, te o pripremi cjelodržavne strategije BiH za ribarstvo i akvakulturu i usklađivanju zakonodavstva BiH sa propisima Evropske unije koji reguliraju tu oblast.

Članovi delegacije BiH su prezentirali informacije o jačanju institucionalnih i administrativnih kapaciteta u fitosanitarnoj, veterinarskoj i oblasti sigurnosti hrane. Na sastanku su razmotrene i mjere koje su poduzete na sprečavanju širenja zaraznih bolesti kod životinja.

Evropska komisija je pozvala institucije u BiH da nastave s usklađivanjem zakonodavstva BiH sa propisima EU u oblasti poljoprivrede.

Sastankom je u ime Evropske komisije kopredsjedavala Ingrid Jenezova iz Opće uprave za proširenje i politiku susjedstva, a u ime Bosne i Hercegovine Dušan Nešković iz Ministarstva vanjske trgovine i ekonomskih odnosa BiH. O radu Pododbora pročitajte više na: http://dei.gov.ba/dei/bih_eu/zajednickatijela/default.aspx?id=20879&langTag=bs-BA.

Direkcija za evropske integracije